

S A N C T I S S I M I  
D O M I N I N O S T R I  
B E N E D I C T I  
P A P Æ X I V.  
D E S Y N O D O  
D I C E S A N A  
L I B R I T R E D E C I M  
*I N D U O S T O M O S D I S T R I B U T I.*  
T O M U S P R I M U S.



F E R R A R I Æ . M D C C L V I I I .  
Impensis Jo: Manfrè,  
S U P E R I O R U M P E R M I S S U .





## P R A E F A T I O.

**P**OST exactam vitæ nostræ partem fere maximam Romæ in iis Congregationibus, ubi gravissima Religionis, & Ecclesiasticæ disciplinæ negotia tractari solent; ut primum honore Cardinalatus per fel. rec. Benedictum XIII. licet immerentes, insigniti fuimus, cum regendam accepissimus Anconitanam Ecclesiam, & inde mox ad Bononiensem Metropolim, natale solum, traducti essemus, animadvertere jam tum cœpimus, ignorari passim, aut certe non satis notas esse multas ex Apostolicis Constitutionibus, quibus Ecclesiæ instituta gravissima continentur: decreta autem, & responsa Congregationum, aut nesciri penitus, aut non recte intelligi, plura sinistris interpretationibus in sequiorem partem accipi, atque corrumpi: quæ demum alii ante nos Antistites in Diœcesanis Synodis bene, sapienterque constituerant, ea vigere parum, negligi omnino, suam



D E  
SYNODO DI<sup>E</sup>CESANA  
LIBER PRIMUS.

NOTIONES , QUÆSTIONESQUE PRÆLIMINARES.

C A P U T P R I M U M .

*De Synodi nomine , & Synodorum divisione .*



Ynodus , ut ipsa præfert nominis etymologia , idem est ; ac Concilium ; seu plurum in unum locum , aliquid de-liberandi gratia , conventus . Quocirca in Annalibus Francorum ad annum 773. tom. 2. Collectionis Andreæ du Chesne pag. 28. legitur : *Tunc Synodum supradictus Rex gloriosus tenuit generaliter cum Francis apud Jenuam civitatem , ibique exercitum dividens &c.* Et ad annum 776. pag. 30. ejusdem Collectionis : *Conjunxit Synodum ad eamdem civitatem , & ibi placitum publicum tenens &c.* Et in Annalibus Bertinianis ad annum 767. tom. 3. Collectionis citatæ pag. 153. habetur : *Synodum fecit cum omnibus Francis solito more in campo .* Idem videre est apud Pliniū lib. 35. cap. 9. sect. 35. Aliquando autem locus ipse , seu oppidum , ejusmodi congressibus habendis stabiliter destinatum , appellatur *Concilium* ; ac proinde etiam Christianorum Ecclesias , ad quas Fideles conveniunt , ab antiquissimis Scriptoribus non raro *Concilia* , & *Synodos nuncupatas*

*Tom. I.*

A legi-